

2ND SITTING ON 16TH JULY, 1999

PRESENT

PU R. LALAWIA, Speaker at the Chair, Twelve Ministers, Deputy Speaker and twenty two Members were present.

QUESTIONS

1. QUESTIONS entered in separate list to be asked and oral answers.

PRIVATE MEMBERS' BUSINESS

2. \*Resolutions.

S P E A K E R : Fel lo tak<sub>a</sub> dehchhuah tam tak ai chuan Fel taka dehchhuah tlemte a tha zawk. Mihring rilruin a kawng a ruahman a, A ke pen erawh chu Lalpan a hruai thin.

Thufing 16 : 8 - 9

Vawiinah kan Member-te

Dr. Lalthangliana leh Pu K.L.Lianchia te hi harsatna bik avangin an lo tel thei dawn lova. Tin, Pu R. Tlanghning-thanga pawh tunhnai maiah khan in harsatna bik aneih avangin Telephone-in a rawn sawi a. Ani pawh a lo tel thei dawn lo ani. Tin, Dr Lalthangliana chuan a ma chan question te chu Pu F.Malsawma, Education Minister chhang turin a rawn authorised a. Tun-ah question zawt turin Starred Question No.5-na Pu Lalthan Kunga i lo sawm ang.

PU LALTHAN KUNGA : Pu Speaker, Starred Question No.5-na, Hon'ble Minister i/c School Education Department chhan atan ka zawt e.

S P E A K E R : Chhang turin Education Minister Pu F.Malsawma i ko ang.

....28/-

PU F. MALSAWMA : Pu Speaker, Ratu Bial MLA  
MINISTER zahawm takin a Starred Question  
No.5(a) zawhna chhanna chu,  
Mizoram Middle School Hindi

Teacher neih loh zat engzatnge tih a ni a, a chhanna chu,  
'107' tih a ni. (b)-na. Middle School Hindi pahnih chin chung-  
lam nei zat chu 76 an ni. School lian deuh leh rokhawlhna  
engemaw avangin 2 awmna 76, 3-nei zat hi pakhat. Tun July 31  
a Pension tur ani a. Hri sellohna bik avanga dah ani. July  
hnuah chuan pathum awmna a awm lovang. (c)-na, English  
Medium School Hindi Teacher neih zat chu 11 ani. School  
hming leh an neih zat Hindi Teacher hi pakhat theuh an nei e.  
Chung 11-te hming chu, Blue Mount School, Aizawl. Willow  
Mount School, Durtlang. Calvery School, Durtlang. Pres-  
byterian English Medium School, Diakkawn, Kolesib. Presby-  
terian School, Champhai. Champhai Bethel Mission School.  
Gospel Centenary School, Lunglei. Adventist English School,  
Bazar, Lunglei. Christian Education Centre, Chandmary, Lunglei.  
Southern Flower School, Lunglei. Presbyterian English School,  
Serchhip. an ni e.

PU LALTHAN KUNGA : Zawhbelhna, Pu Speaker, Mizoram-  
ah hian Middle School hi 726 vel  
a awm niin a lang a. Chutah chuan  
Hindi Teacher Sanction Post hi  
669 ani. School 1 zelah Hindi Teacher pakhat pawh dah ni dawn  
sela, School 57 vel chu a la awl dawn ta hrim hrim niin alang a.  
Pu Speaker, tunah hian India Sorkar-in Post thar 206 lak theih-  
na tur minrawn siam sak niin kan lo hria a. Kum 1/2 zet ani  
tawh a, vawiin ni thlengin he Post 206 siam thar/lak theih tur  
ni a lang hi engvanga lak loh nge anih tih kha ka zawt duh a.

Tin, Sikul thenkhat chu Zirlai  
tam tak Class khat pawh Section engemaw zata then ngaite an  
lo awm ta a. Chungah chuan Hindi Teacher Compulsory Subject-a  
neih ni ve bawk si kha chu Zirtirtu pakhat ringawt chuan engti  
kawng zawng mah a zirtir theih lohna Sikul te pawh an awm a.  
Sikul thenkhatah zirtirtu 2 an awmna te pawh a lo awm ta si a,  
chutiang khawpa indaihlohna karah chuan Hindi hi Compulsory  
subject pakhat ani bawk si a.

Tin, chubakah chuanin Hindi hi  
India rama kan awm chhung chuan subject pawimawh takte zinga  
mi chu a ni dawn a ni tih chu a chiang mai a. Chutiang a nih  
lai karah chuanin vawiin niah hemi Hindi zirna lama hma kan  
sawn theihna tur atanah chuan 1972 Dec., 28-ah khanin Hindi  
Propagating Officer pakhat leh Assistant Hindi Propagating  
Officer Posts pali siam niin kan hria a. Vawiin ni thlengin  
chutiangang chuanin a inspecting staff kan tihte hi an la  
awm ta niin a lang a. Siambelh tunna a awm em ? tih kha  
ka zawt duh a.

.....29/-

Tin, bhubakah chuan hei DEO Office hi pali Mizoram-ah a awm a, tin, SDEO hi sawm (10) a awm niin a lang a. Chung hmuna Inspecting Staff pakhat tal dah theihna tur kawng a hi Sorkar hianin a dap thei ang em ? tih hi ka zawt tel duh bawk a.

Pu Speaker, a sei deuh hlek anih pawhin min lo ngaidam la, hei a Ministerial Staff Hindi hi a bik a awm ni pawhin a lang a. A chhan chu Hindi hawrawpa correspondence te pawh a lo kal ve thin avangin.

1972-ah khan Asst. Post pakhat leh UDC Post pakhat leh LDC Post panga chauh hawn niin a lang a, chu chu vawiin ni thleng hian tihbelh loh niin a lang a. Chuti anih chuan heta thawktu te hi chu kum 20 dawn lei tura chu promotion chance awm miah lovin an lo awm tawh niin a lang a, churang chuan in heti khawpa Hindi zirna kawng a hma kan lakna hian kan Sorkar khan hun rei tak chhung a lo hlamchihiah hi engti zia nge ? Tin, Ministerial Staff te hian promotion chance nei lova hei thleng an lo awm hi ngaihtuah sak theihna dan tur kawng a awm ang em tih kha ka zawt tel nghal duh bawk a ni. Ka lawm e.

S P E A K E R : Education Minister khan han chhang nghal rawh se.

PU F. MALSAWMA : Pu Speaker, a zawhna kha a  
MINISTER : tha khawp a, a bik takin he  
kan indaih lohna hi High  
School lamah phei chuan High  
School 220-ah neih lohna kan la nei nghe nghe a. Govt. of  
India hian 1998 - '99 kumhlui liam ta thla 4-a hman hman tur  
khan Post 206 min rawn sanction sak a, amaherawhchu, hei hi  
khawilalah emaw mutan a awm a, lo chhuak lawk thei lovin a  
awm a. Kan Chief Minister zahawm tak hovin hei hi kan buai-  
pui nasa hle a, tichuan ken Chief Minister zahawm takin mi a  
sawipuina leh thahnemngaihna a zarah tunah chuan sanction hi  
tihchhuah theih tepin a awm ta a. A tul engemaw Govt. of  
India-ah 9th Plan leh 10th Plan a khawih dan tur te clarifi-  
cation fax-in zu zawhfiah mek a ni a. Chuti lo chuan 206 kha  
lo la ta ringawt ila, vawi leh khatah tawp leh ta thut si sela,  
a nghawng kha a nsa lutuk ve a, fimkhur thilah hei hi Central  
Sorkar hmenah clarification Fax-in zawh a, an chhanna pawh  
neih thuai kan in beisei lai a ni a. Engpawh nise, rei  
ni tawh lo turah kan ngai ang a.

Tin, Member zahawm takin hemi a establishment hrim hrim changing a sawi a kha vawihnih lai hei hi senior officers meeting-ah pawh a Deptt. ah sawi ani tawh a, kan Budget tun kumtharah hian Dy. Director Post pawh reflect a ni a, chu chu Finance leh DP & AR lama harsatna a awm loh chuan Deptt. lam atang chuan ruahmana siam a ni e.

Tin, DEO leh SDEC Office-ah hian Inspecting Staff dah ve chungchang te leh a ministerial staff chungchang harsatna leh problem chungchang a pawh hi sawi ani tawh a. Kan sawi ang khan hemi a lu ber atanga tih-chhoh a, a hnuai lam a nghawng dan tur te nen khan Deptt. in active taka a ngaihtuah lai a ni e.

PU LALCHAMLIANA : Pu Speaker, ka lawm e. Kan Minister zahawm tak chhanna atang khan Hindi Teacher hi kan indaih lo hle tih a hriat a, chutihruai chuan School thenkhat School 76 ah chuan a double in an awm ta a, hei hi a semruai theih lawm ni tih kan zawt duh a ni.

Khu Bilkhawthlir bial khu Cachar ramri a hnaih a, vaitawng a pawimawh khawp mai a, chutichung chuan tunhnai mahah khan Phaisen khua te, Phai-nuam khua atangte chuan Hindi Teacher hmundangah sawn anni lehngal a. Khulai naupang khuan vaitawng an thiamlo viau ang tih ka hlauthawng a. Chuvangin, hei School 76 ah pahnih an awm a, School pakhatath pathum an awmte hi chu a anglo viau a, kan indaihlo chung chung hian, kha kha a semruai theih lawm ni tih ka zawhbelh e, ka lawm e.

PU NIRUPAM CHAKMA : Pu Speaker, zawhbelhna. Kan Prime Minister hlui I. K. Gujral te Aizawl-a an rawn zin lain, khatih lai a Sorkar khan Hindi Teacher kan mamawh thu an thlen a, Hindi Teacher 206 kan nei dawn tiin kan Minister zahawm takin a sawi a, a lawmawm ka ti a. Chu chu 206 Hindi Teacher hi Mizoram pumpui atan a ni a, chu chu District Council tan quota he Sorkar hian quota a pe a ngem ?

S P E A K E R : Pu H. Laltanpuia

.....31/-

PU H. LALTANPUIA : Pu Speaker, nichina a sawi tak ang khan leh kan Minister minrawn chhan tak ang khan, Hindi Teacher hi a pawimawh zia kan hrechiang em em in ka ring a. Hindi hi compulsory subject a ni si a. Amaherawhchu, Zokhaw hmun tam takah Hindi Teacher awmlohna a awm si a, chuvangin kan School naupang te result tam tak a chhiatna chhan chu Hindi Teacher kumtluana nei miah lova, Hindi an exam thin bawk veng a ni a. Chuvang chuan, kan thianten anrawn sawi tak ang khan, helai 76 School-in pahnih an neihna hi chu semdarh ni thei se a tha in ka hria a.

Chulo lehah chuan kan English Medium te hi a tlangpuiin Kohhran School te ani tlangpuiin ka hria a. Tin, a then chu Private sumdawna te a ni a, chuvangin hetiang mimal sumdawna angah te leh Kohhran School angah te hian deficit an ni tawh emaw, nilo emaw, an mahni hian Hindi Teacher hi chu an intum thei turah ka ngai a. Chuvangin, hmun tam takah Zokhaw lamah te, Hindi Teacher kan tlakchham a, kan neih loh em em lai a, Hindi Teacher Post 11 lai mai sumdawna atana hmangtute leh kan Kohhran School thenkhat tena kan Sorkar a Hindi Teacher te an hmang hi, Pu Speaker, a lak kir leh theih kn, hmundangah a dah leh theih lawm ni ? tih kha kan zawt duh ani.

Dr. LALZAMA : Pu Speaker, Mizoram School, Middle School Hindi Teacher nei lo zat 107 tih a ni a, High School 220-ah Hindi Teacher a awm lo tih te kan ngaithla a, kan Minister zahawm tak khan arawn sawi a, tah chuanin Hindi chu an zirtir lo mai nge ni, a va pawithei awm ve ? Hindi kha compulsory subject anih si chuan hetia an neih loh hian an zir ta lo tawp mai em ni tih kan zawt duh a. Tin, chu lo lehah post 2 sanction ani a, chu chu kan Chief Minister zahawm tak hmalakna in tih thuai theih ani ang tih kan ngaithla bawk a, kha kha a rei tawh viau mai a, DP & AR lam nge Finance lam hetia tih khawtlai a, a awm ta reng mai hi ? Chief Minister zahawm tak hmalak na te kha a va rei ta em, engnge a chhan ? hi tih kha kan zawt duh ani.

PU K.T. ROKHAW : Pu Speaker, zawhbelhna, Middle School Teacher Officiating-a December, 1998 atanga July, 1999 thleng hian engzahnge lak an nih tawh ? tih leh, Officiating te hi an aiawh tur midangan la thei em ? tih kan zawt duh e.

.....32/-

PU K. SANGTHUAMA

: Pu Speaker, Hindi Teacher chungchengah hian ka bial-ah khuen Kawrte a mi leh Bung-hmun a mi khu min lak chhoh

sak a, Aizawl-ah hian a post nen an la daih mai a, chu chu engtia mi tih sak leh nge an tum tih ka zawt duh a. Tin, pakhat lehah chuan, Hindi Teacher neih loh naah hian Hindi an exam dawn lo nge, an fail mai dawn nge ni tih kka ka zawt duh a, a chhan chu zirtirtu an awm tlat lova, compulsory ani si a, pawl sarh exam-naah hian Hindi Teacher an awm si loh avangin a awm lohna khua School zawng kha engtinge an tih dawn ? An pass thei dawn long ni, Hindi an exam loh khan an ngaidam mai dawn ? tih kha ka zawt duh bawk a.

Tin, pakhat lehah chuan eng- atinge Thingtlang a mi kha khawpuia min sawn sak kher ? a post nen ? Thingtlang lam hi kan ngaihsak lo deuh em ni tih kha ka zawt duh bawk a ni.

Er. K. THANGZUALLA

: Pu Speaker, ka lawm e. Hei, Ratu Bialtu zahawm tak sawi atang khanin Hindi Teacher sanction zat hi 669 niin ka

lo hria a, tin, tuna fill-up zawng zawng hi a vaia belh-khawmin 273 a ni a. Chuti anih chuanin a balance kha fill-up loh sanction si kha ni maan a lang a. Kha kha engatinge fill-up lohva hei leh chen a awm tih kha ka zawt duh a.

Tin, a pahnihna-ah chuanin zirtirtu reng reng hi Hindi an ni emaw, Hindi an ni lo emaw, transfer tawp mai, a thlak lehna awm silo hi a tam em em mai a, kan bial chung angha te pawh khian. Chuvengin, zirtu ten harsatna an tawk nasa em em a. Tun hnai lawkah, ka biala hmun pakhat-ah phei chuan, Sorkar School siah khanin naupangte Nu leh Pa-in thawhlawm an thawh a, Zirtirtu pakhat chu Private-in Sorkar Sikul-ah khan an lo ruai ve tawp mai a. Tah chuan kan hotute hnenah harsatna te kan han thlen vat a. A aiawh dahna tur niman khan Order min siam sak a. Chu chu lawmthu kan hrilh duh nghe nghe a. Amaherawhchu, chutih rual chuanin, zirtirtu kher kher hi chu Sorkar hnathawk dang hi chu tuin emaw charge an lo in lak mai thei a, Zirtirtu kher kher hi chu a thlak leh tu tur dah nghal mai loh hi chuan tumah hi sawn loh ni sela. Order a chhuah pawhin release loh turin tih hi a tih theih lawm ni ? tih kan zawhbelh e.

S P E A K E R

: Chhang turin Minister i/c i ko ang.

.....33/-

PU F. MALSAWMA  
MINISTER

: Pu Speaker, a hnukung lam atang khan tan ile. Serchhip Bialtu zahawm takin a rawn sawi kha, Sanction Central

Sorkar atanga awm tawh si, engatinge post creation hi Mizoram Sorkar hian a hnawh khah vat loh? tih hi DP & AR-ah thla rei tak a awm vang a ni a, chu chu kan Chief Minister zahawm takin a file te ko va, mi a puihna in tunah chuan hma ken sawn tawh a. A chhuah thuai kan beisei ani.

Tin, Zirtirtu posting & transfer chungchang hi, mihring hi Ran Doctor te aijn mihring Doctor nih hi a hahthlek zual e, an tih ang deuh a ni a. A mawhpurhna a lian a. Tuten emaw an rawn tah awn ngawih ngawih a, kan member zahawm tak ten mi harsatna an rawn sawi a, Sorkar te an inthlak te hian vawihnih, vawithum kan indan nger nger hnua hian thenkhat chu Cancer-te Aizawl khawpui atanga kartin a damdawiin a in entir ngai te, mi harsatna lai hi sutkian a ngai ve a. A kal leh tur lam-pang a kha nasa takin lungngai mahula, engmah a sawt lovang tih insak khum ngawt a; tute emaw vanah len ve nghal chawr chawr a kha chu, Sorkar thar hian tha a tih lem loh avangin, uluk deuh a posting leh transfer-ah hian harsatna ken tawk nasa reng a. Pakhat kan ngaihtuah sak hian lehlam a nghawng chiah zel a. Harsatna chu lian tak kan nei a. Member zahawm tak ten in rawn sawi a kha tanchhan tha tekeh kan lo hmang ve thei ang a, a lawmawm hle in ka hria.

Tin, Thingtlang atanga khawpui a mi lakluh tih pawh kha, khawpui atanga Thingtlanga sawn-chhuah dil hi chu mi hi an awm lo tluk ani. Khawpui a awm duh deuh vek mai an ni a. P.W.D. Minister zahawm takin khawpui ah Office hi hung vek mai ila, a ti a. Nitin hian kan tawn tam ber hi chu min hmutu hmun thuma thena hmun khat hi chu Aizawl khawpui a luh duh hi anni thin a, chu chu theih ang tawkin kan indang ve a. A lehlemah a solution a kha ngaihtuah ve zel ani baw k a. Chutihruah chuan a vai thuin kan Member zahawm tak tak ten an hen sawi kan chhan theihna pakhat awm chu, khaw 206 posts kha chhuak mai tur awm angin, naktuk mai a chhuak tur angin thla hmasa, hmasa leh atang khan kan beisei reng tawh avang a ni a. Chu chu duh aia a rawn tlai tak hret avangin hetiang hian tlaina a awm a. Engpawh nise, khang School tena harsatna an lo neih a kha Zirtirtu te leh thu neitu ten theih ang angin an harsatna tawh chungchangah kha chuan an in dawr reng a, an hriatpui a. Examna chungchangah a kalpui dan tur kha chu Deptt. lam hotu ten a theih ang chin chinah an ngaihtuah ang tih kha ring ila, engpawh nise, tunah hi chuan khang harsatna kha a bikin Middle School ah hi chuan sutkian a lo hnaita a, harsatna awmlo tureh i ngai phawt ang.

Tin, Member zahawm tak Tuipang bialtu in a sawi kha, officiating teacher lama kha Hindi Teacher-ah hian lak an awm vak lova. Amaherawhchu, substitute teacher training aiawh ang kha chu thla thum course te a awm a, Parangat te chu a rei leh deuh hlek a, khang ang aiawh substitute teacher te kha an awm a. Chubakah chuan Bang emaw an awm chuan tlema zawng chu officiating a lak an awm maithei a.

Amaherawhchu, an tam lova, kha kha kan zawhna nen a in relevant loh avangin kan in prepare-na zinga tello anih avangin min lo hriatsak sela a the awm e.

Tin, chawngte bialtu zahawm takin heng hi District Council te tan pek ve ani em ? a tih kha, Lai leh Mara District Council atang chuan pakua/sawm vel ve ve min dil tawh a, pek turin sawm ve ve kan ruahman a. Chakma District Council pawh hian an dil lo chungin an mamawh ve kan rin avangin sawm chu kan earmark sak a ni. Chu chu District Council lam hian an hre lo nge, an la rawn sawi rih lo ani.

Tin, Suangpuilawn Bialtu zahawm takin a, a rawn sawi kha, English Medium leh Kohhran Sikul ho-sh te hian engatinge pek ve anih tih khan tuna 206 hi kan neih theih chuan kan hrawhkhah theih vek kan rin avangin, heng hi hnuhkir ngaiin kan hre lova, tin, a bik takin a tum hi chu Hindi Propagation tih a ni a, min an duh loh pheih chuan an lo tilo ang tih kha Central Sorkar hian a hlauh zawk a ni a. Hindi tihlar a tum leh mi thiam tir a tum avanga phal taka a rawn tih thin anih avangin, Kohhran School a m̄k leh English Medium School a mite khan Central Sorkar-in Hindi an thiam lo bik ang tih a hlau ani. Heng hi chu pek vek a, zirlai zawng zawng hi thiam tir vek a duh ani.

Tin, Aizawl North-I Bialtu zahawm takin a zawhna, Heng High School leh Middle School a Zirtirtu neilo te chungchang hi a delay na chhan, eng Deptt. ang nge a delay tih te a rawn zawhna kha kan chhan tawh kha ni sela. Tichuan, khang zirtirtu neilo te kha an harsatna kha hria in tunah chuan kan hnawh khat thuai dawn a, chu chu kan chhanna ni sela.

Tin, pahnih awma, Bilkhawthlir bialtu zahawm takin a rawn sawi chhuah pahnih awma, a semrual theih lawm ni ? a rawn tih a kha; kan sawi ang khan kar leh mai a adang chhuak tur a kan ngaih reng avang khan semrual kan ti lem lova. Tin, semrual kan tih hian kan sawi tawh ang khan a circumstance hrang hrang avangin School lian deuh te kan mamawh hrim hrim avang te, chutih ruah chuan hriselna te. Tin, Sorkar thar te a lo piang a, chung avanga harsatna hrang hrang avangin heng hi tih chhuah zung zung hi a awlai lo hle a. Amaherawhchu, kan member hrang hrangte ngaihden atang hian a tul ang zelin kan kalpui ang a.

Tin, Pu Speaker, Member-te information atan; Deputy Director pakhat leh Hindi Propagation Officer pali (4) leh Asst. Teacher Post paruk leh Superintendent Post pakhat leh Assistant Post pakhat leh UDC Post pakhat hei hi tunah kumin chhunga Post siambelh tur a tih a ni a, DP & AR pawhin sanction min pe nghal tawh a. Thil lawmawm tuna kan sawi theihani mai awm mange.



PU R. LALZIRLIANA

: Pu Speaker, thil pakhat chauh. Saitual khaw chhungah khian William Booth School a awm a, chu chu Kohhran School a ni a.

English Medium a ni a, kan Minister hnenah hian dilna te kan thehlut tawh a, Primary leh Middle School kha Comprehensive anih avangin an awm kawp a. Middle School kha deficit system ah hlankai a ni tawh a, Primary kha Private a la ni tlat mai thung a. Hei hi a kaldan hi a chiengkuanglo deuh bakah School khat si hlawh inthlau ta lutuk a kha hriatthiam a har viau a. Kan Education Minister zahawm takin School kaldan phung tur a han duanah khanin English Medium School hi a tam thei ang a siam kha kan tum bawk a, chuvangin, hei hi Sorkar-in William Booth School hi min lak sak thei nghal mai lawm ni ?

PU ZAKHU HLYCHHC

: Pu Speaker, zawhna pakhat. Officiating in Zirtirtu thenkhat an la a, khawg officiating te khan an mahni thawk

mai lovin midang an thawh tir leh chhawng a, khatiang kha a theih em ni ? Tin, chutiang chu Sorkar-in a awm tih a hria em ? Tin, lo hre tase, action a la thei a ngem ? tih ka rawn zawt e.

S P E A K E R

: Chhang turin Minister ko ila, hei bak chu kan ti thei tawh lovang. Hei darkar chanve zet kan awn dawn der mai.

PU F. MALSAWMA  
MINISTER

: Pu Speaker, Saiha Bial tu zahawm takin a Officiating Teacher ten a midang an ruai, tih kha min hriattir theih

chuan a lawmawm khawp ang. Hei hi keini pawhin on the spot a action lak theihna kan SDEO te DEO te hnenah kan pek tawh a ni a. Amaherawhchu, engemaw hrisel lohna bik leh rokhawlhna bik lutuk avange reilote chhung atana hotute hriatpuina dil a, chutiang ang zawk chhung hriatthiamna neihna chu a awm a. Chutiang chu anih lohva, a pawnga midang an la leh anih kha chuan khatiang ang kha chu action lak tawh te pawh an awm a, min hriih theih chuan action kan lo la ang a, a lawmawm khawp ang.

Tin, Saitual-a William Booth School chungchang kha, ni e, keimah ngei pawhin ka tlawh tawh a. Hemi comprehensive ang deuh hleka kal Primary leh Middle School chungchangte hi, a Primary School zawk Sorkar, a Middle School zawk Private te, Middle School zawk deficit a awm, Primary School zawk Private leh si te kha an awm nual a. Hetiang policy matter chungchanga hi kan enfel mek lai a ni a. Chungah chuan a tul anga Sorkar-ina heng hi kan enfel chhoh lai mek a ni a. A mala kan enkawl dan tur emaw kan tihdan tur emaw, tunah hian sawi mai theih a ni lova. An harsatna erawh chu William Booth School khi kan hriatpui e.

S P E A K E R : Starred Question No.6 zawt turin Pu K.Vanlalauva i lo sawm ang.

PU K. VANLALAUVA : Pu Speaker, ka starred question No.6-na ka zawt e.

S P E A K E R : Chhang turin Hon'ble Chief Minister i/c GAD i sawm ang.

PU ZCRAMTHANGA CHIEF MINISTER : Pu Speaker, a zawhna kha Inspection Bungalow I.B Deptt. hrang hrangin an sak thin hi G.A.D.-in sa tawh se a tha

lawm ni ? tih a ni a. Kan chhanna chu tunah mai chuan, 'a la remchang rih lo' a ni, tih kha kan chhanna a ni e.

PU K. VANLALAUVA : Pu Speaker, zawhbelhna, I.B. Deptt. hrang hrangin an sak hi a tha vieu a. Tun hma daih atanga thil kal ani tih kan hria a. Zin chhuah chang hian kan hre theuhin ka ring a, a satu Deptt. te khan an in ti ta lo thei lova. Tlemin Sorkar-na lamah pawh senior zawk leh hotu zawk te lokal mahsela a Deptt. hruaitute khen a VIP lai tek an lo luah lai khan chhuah

an hreh riau mai a tih thu hriat tur a tam hle mai a.  
Chuvengin, Deptt.-in intlansiak nana hmang lem lova GAD-in  
en hma tawp mai hian a rual khai ber mai lovang maw ?  
Pu Speaker, tun hnu zelah chuanin hetiang a hma lak hi a tha  
lawm ni aw tih ka zawnbelh duh a ni.

PU ZORAMTHANGA  
CHIEF MINISTER

: Pu Speaker, hei hi a dik  
khawp mai a. Deptt.-in hmun  
hrang hranga Rest House an  
neih hi a awm teuh mai a.

Kawng lehlahmah chuan a remcheng viau a, Thingtlang khua  
kan han kal a, kan Officer pawimawh te, kan Politician leh  
hotu pawimawh tens mi han thlen chilh a rem loh huna, Rest  
House a lo awm a, thlen mai hi a rem khawp mai a. Mahse,  
chumi rual chuan remchan lohna tam tak a lo awm a. A thenah  
a enkawltu an lo tha tawk lova, Deptt.-in-a tlema a neitu  
nita chu induhsak bikna karah inhmuh thiam lohna te a lo awm  
palh thin a. Chuvengin, GAD lamin la tawh sela, enkawl zui  
tawh sela tih kha a dik khawp a. Engpawhnise, tuna kan neih  
sa hi chu Deptt. ram te a lo ni a, a enkawltu tepawh Deptt.-a  
M.R.-te an lo ni a. Hemi hi chu anih ang hian a kal nawk  
nawk lo thei lova. Amaherawhchu, a vaia lak barh anih loh  
pawhin GAD-in a lakkhawmna atan Circuit House te I.B. ang type  
leh, Rest House eng engemaw, chi hrang hrang kalpuina hi chu  
a tam thei ang a kalpu pheih chu kan tum a. A bik takin khaw  
lian deuhah pheih chuan VIP te, Sorkar hnathawk leh midang  
thlengtaw pawimawh an lo tam a, an tlawh zinna-ah chuan kan  
Circuit House ang type Sorkar GAD-in a enkawl, hei hi chu a  
tam thei ang ber kalchhoh pui a, Deptt.-in hetia amala an lo  
tih hi a tangkei tho nachungin, an Deptt.-tan pawh enkawl a  
a lo buaithlak a.

Hengte hi a thlakna GAD lamin  
nei thei in an Deptt. hi chu chhawm thei ile chu Deptt. tam  
tak pawhin an duh zawkna lai te pawh a awm bawk a, engpawh  
nise hei hi chu GAD (General Administration Department)-in  
hmalak chhoh a, Circuit House leh I.B. type hi chu a tam thei  
ang ber enkawl chhoh a; nakinah pheih hi chuan avai lak theih  
hunte pawh la awmse chutah chuan lak theih a Deptt. khatin  
ken law law chu a tha pawhin kan hria, chumi tur ang chuan  
hma pawh lak tum a ni a. Amaherawhchu, wawi leh khata han  
lakchhoh purh a kha chu harsatna leh remchan lohna a awm a,  
chu chu tunah chuan kan ti burh thei lova, mahse chuti chung  
chuan hei hi zawi zawi a lakchhoh vek, hei hi chu kan tumdan  
chu a ni e.

S P E A K E R

: Starred Question No.7-na zawt  
turin Pu K.Vanlalauva i lo  
sawm ang.

....38/-

PU K. VANLALAUVA

: Pu Speaker, ka Starred Question No.7-na ka zawt nghal e.

S P E A K E R

: Chhang turin Pu F.Malsawma i lo sawm ang.

PU F. MALSAWMA  
MINISTER

: Pu Speaker, ken Member zahawm tak zawhna (a)-na kha NLUP pawisa Trade hrang hrang a mi la pek loh engzatnge awm ?

tih a ni a. A chhanna - (i) Cheng vaibelchhe 3 leh maktaduai 5 leh nuai 4 leh sing 2 leh sang 3 leh zanga leh sawmkua pahnih. Hei hi sanction hmuh tawh pek chhuah loh a ni a.

Tin, 1999 - 2000 tuna Annual Plan-ah hian tel in la pek leh tur a sanction la buatsaih leh tur chu, cheng vaibelchhe 8 leh maktaduai 3 leh nuai 6 leh sing 8 leh sang 4 leh zeli ani.

(b)-na zawhna chu, Sorkar-in pek a tum em ? tih a ni a. A chhanna chu 'tum e' tih ani.

S P E A K E R

: Starred Question No.8 zawt turin Pu H.Rammawi i lo sawm ang.

PU H. RAMMAWI

: Pu Speaker, Starred Question No.8-na ka zawhna ka zawt e.

S P E A K E R

: Chhang turin Pu Rualchhina, Minister i/c Forest Deptt. i sawm ang.

PU RUAL CHHINA  
MINISTER

: Pu Speaker, kan member-in  
zawhna a han zawh chu - Mizoram  
chhunga Sai sual deuh te enkawl  
dan leh khuahkhirh dan Forest

Deptt.-in a ngaihtuah thei em ? a ti a. Hei hi chu theih chin  
a awm a, tin tih tawh pawh a awm a, tin khuahkhirh han tih  
pawh hian Wild life an nih avangin Domestic Animal ang a zuk  
khuahkhirh tak tak theih ani lova, tunah hian Mizoramah sanc-  
tuary kan lo nei ve nual tawh a, ramsa te chu chungah chuan  
an cheng khawm tlangpui tawh a ni. Sanctuary pawh an lo  
chhuah hian mihring tana hlahawm leh ngaih-mawhawm an lo awm  
thei a. Tin, chutiengin, kan Lo leh Thlai chungchangah pawh  
an rawn tih chhiat theih tur te a awm a, chungah chuan khuah-  
khirh han tih teh dawtah chuan a har hle a, khata awm khawm a  
kan ngaih lai khan an lo chhuak a pawh te pawh an rawn khawih  
ve thin a, chutieng thulah chuan kei nin kan tih theih tawkah  
chuan Chief Wild Life Warden kan nei a, chung chuan chutieng  
ramsa mihring tana hlahawm leh thlai tichhia an lo awm thin  
chuan a kah theihna an nei a, chutieng ang chu a khuahkhirh  
dan kawng khat a ni awm e.

Tin, Lo-ah te pawh lo chhuakin  
Buh leh Bal-te lo tichhe tasejang, chung thuah pawh chuan kan  
Chief Wild Life Warden hian kan theihna thu te a pe thei a.  
Chutieng ang chuan a khuahkhirh theihna leh enkawlna chu a  
awm thei tih kha kan chhenna ni selangin a thain ka hria.  
Tin, khatieng avang khanin hei incident engemaw pawh kan nei  
ve zauh zauh a, chutah pawh chuan kang Sai sual in emaw,  
mihring tana pawh khawih a kan Buh leh Bal a lo tichhiat a  
kha chu grant-in-aid ang kha chu dan ang deuh chu kan nei lo  
na a, compensation te chu kan pe ve a, chu chu kan chhan  
theih dan nise, ka lawm e.

PU H. RAMMAWI

: Pu Speaker, zawhbelhna.  
Tuipang Bialah Palak Dil  
bulah sawn Salazawl kan nei  
a, tahchuan Mizoram chhunga

mi Sai chiah pawh an nih hmel loh ve, Burma ram atanga lokal  
an nih hmel a. A neitute hriat danin thlawhhma sawisak an  
ching a, kut hnathawktuten an tuar em em mai a. Kumtluana  
an enkawl an thlawhhma Sai in an sawisak sak a. Chubakah,  
mihring tan Sai sual deuh bik an awm a, chung chu ka zawh-  
chhan tak pawh a ni a.

Chutieng bawh chuan Lewngtlai  
bialah Ngengpui Sanctuary kan nei a, Sai te deuh, a La ani  
awm e, chu chu hlei deuh bik a awm a. An riahbuk a sawisak  
dante chu bungbelte a rap per a, an hlau em em a. An ti  
em em a, mihring nunna hi kan ngaih pawimawh ber turah ka  
ngai a. Nunna tan a hlahawm a, thlawhhma a tichhiat bakah  
Nungche humhalh kan tih hien mihring pawh tih tak takah chuan  
Pu Speaker, Criminel-te chu Jail-ah te kan indah a, kan in  
tan tir a. Hremna chi hrang hrangin kan inhrem a, chutieng

.....40/-

chuan nungchate kan humhalh te pawh a hlei deuh bik chu hman kumah Lunglei lamah Nu Pakhatin, Keipui pakhat a chek hlum a, National Award an pe hiallin ka hria. Khatianga kan tih ve deuhthe kha a ngai a. E chhan chu he zawhna ka zawhna chhan hi Ngengpui Sanctuary-ah Sai tlem kan nei a, hetah Tuipang piah palak vel a mi chu Tuipang Bialtu hian a hrechiang ang a. Mizoram chhunga kan Sainiin an hre lova, Burma lam atanga lo kel niin an hria. Khang lakeh khan mihring nunna kan chen ang tih a hlauhawm a. Chuveng chuan a ven himna kewng kha zau zawka zawn a the awm minge tih ka rilruk avanga he zawhna hi zawt ka ni e.

PU C.THANGHLUNA

: Pu Speaker, Sai soal han sawi takah chuan Ngengpui Wild Life Sanctuary-ah kuan Sai 7 a awm a. A lâ pakhat soal deuh bik a awm tih kha a ni hranpa in a lang lova, khang Sai soal deuh 7 te kha November velah hian an rawn chhuak thin a. 1998, November-ah pawh khan Mampui ho lovah an rawn chhuak a, an thlawhha zawng zawng kha an chil pherh vek mai a. Buh seng tur nei lovin Lo 10 aia tam kha an sawisa a ni. A Department-ah compensation te pawh an dil a. Amaherawhchu kan Minister zahawm tak khan khatiang lam kha a awm lem lovin a sawi a. A kah phalna Chief Wild Life Warden hnenah khan chung Sai soal bik kah theihna chu dil tur a ni a, an dil chuan kah theihna pek theih a ni e tiin a sawiin ka hria a. Nikum lama lo an tih chhiat tawh chu a ni nain tunthlengin compensation engmah pek a ni bawh silova. Kah theihna chu dilta sela, an pek chuan eng hunah pawh a kah theih tihna em ni ?

PU ZAKHU HLYCHHO

: Pu Speaker, Minister zahawm tak khan "A khuahkhirh dan tha ber mai chu kah hlum a ni" a ti mai si a. Kan YMA ten "Ramsa humhalh", tih kha an puang dum dum bawh si a. Chuvangin a inkalh hlein ka hria a. A man dante hi Sorkar hian a nei thei mai lawm ni? Khang Sai te kha man ta sela, a tha zawk lawm ni? Kahhlum tawp mai ai kha chuan tih kha ka rawn zawt duh deuh a.

Tin, tih theih chin kan nei a, a then phei chu tih tawhte pawh a awm a ti a. Engnge ni an tih theih chin kha an sawi bawh si lova. Chuvangin a tih theih chin kha min hrilh thei ang em? Tin, an lo tih tawh kha engtin chiah nge an lo tih tawh? Hman kumah sawmi Chhim lama Sai kawih lawm phei saw chu a kawlh khawp a, MDC kan inthlan tumin kan thian pakhat MDC-a inpe ve khan Sai Symbol-ah a thlang a, a zuk campaign-na ah Saiin an um vak mai chu, "E ka Symbol-in min um alawm mawle" a ti a. A in resign thlap mai a. Chutiang khawpa kawlh chu a ni a. An lo ami buh an seng tawh sa an thlama mi pawh kha thlam chawpin a thiah sak vek zel a. Chuvangin an khawngaih thlak em em mai a. Sawngte saw kahhlum mai kha chu a uiawm ang reng bawh si a. Kan Minister zahawm takin a khuahkhirh dan tha ber kahhlum a han ti kha, kaphlum loin a man dan kha a awm thei em? tih kha kan rawn zawt a ni.

PU RUALCHHINA  
MINISTER

: Pu Speaker, Membertene an rawn zawhnate kha chhan ve han tum ta ila, Sai soal bik han tih kha chu a ngaimawh awm em em a. Hei kan Wild Life Protection Act-ah pawh Sai soal bik leh mihring tana hlauhawm leh mihring pawl khawih leh kan buh bal, kan thlai ti chhiala thil pawl khawih kha chu Chief Wild Life Warden kha a pel theihna, a kahhlum theihna kan ti mai ang a, khatiang ang khawp khan thu a nei thei kan

ti kha a ni a. Chumi chu an lo pela, an lo khahlum chuan a hlauhawm tura kha a bo tihna a nih vena lai kha a awm a. Kha tak mai kha a khuahkhirhna pakhat chu a ni mai awm a ni a. Tin, kha lo kha a awm thei lawm ni tia kan member pakhatin "A man a zawng te kha a tha lawm ni)", a tih kha, hei chu a tha khawp a, tin, a khawi pawh duhthu sam a nih ka ring a, tin, a lungin te phei chu kan nei lova, lungin a tantir em phei zawng a har mai thei a, rawtna tha awm tak a ni a, kawng la dap a, la zawn te pawh a tha awm hlein ka hria.

Tin, Sai sual hrim hrim mi ram atanga kan rama lo lut pawh a awm thei a, chung thuah chuan nunna atan a hlauhawm phawt chuan chung chu ka hre lova, District Headquarters a kan D.C. te kovah pawh a kal thei a ni. Tin, nunna chhanna thuah chuan roreltute an nih ve avangin an kutah thui tak a awm ve theiin ka ring bawh a ni. Tin, Sai sual bik, Sai lâ a awm bawh tih kha Ngengpui sanctuary report kha kan la hre lova, engpawh nise sawlai ah sawnin thil thleng a awm ve zeuh zeuhva, 1996 khanin mi buh hmunah te a chhuak a, khatianga a chhuah avang khanin mi 5 lai chu buh value a tihchhiat sak a kha chhut sakin compensation pawh kan pe nghe nghe a, Rs. 26900/- lai chu, khalaiah khan mi 5 hnenah kan pe nghe nghe a. Tin, chumi bakah chuan 1998-1999 inkar kan tih angah khan incident a awm leh bawh a. Chutah chuan an thil tih chhiat ang hu kha compensation pe tura assestment siam a ni a, chu chu mi 3 tan, a bik takin H.Darkhuaia, Mualpui Village ami a ni a. Tin, K.C. Lalthangmuana Ngengpui Village a ni a, Chopraha Ngengpui Village a ni a leh Changte, Ngenpui Village pali zawk an nih hi. Hemi te tan pawh hian compensation kha assessment siam mek a ni a, chu chu la pek loh a ni thung a, singkhat leh sangthum man a ni a.

Tin, chumi bakah chuan 18th October, 1988 velah khanin thil thleng a awm bawh a. Buh bal a tihchhiat ang hu kha chhutchhuah sakin mi pali hnenah compensation pek turin assessment siam vek a ni a. Nuaikhat leh singruk lai ruahman a ni a, hei pawh hi la pek loh a ni a, chu chu tuna kan hmalak dan chu a ni a. Nichina kan member zahawm tak rawn zawttu ber ina a sawi chhim lama thil thleng kha chu, nia an tlanbo leh tawh mai thei a, kan hre lova, kan lo bengvar ang e, chu chu ka chhan theih ni rawh se.

S P E A K E R : Question No. 9 zawt turin Pu H.Rammawi i sawm ang.

PU H.RAMMAWI : Pu Speaker, Starred Question No. 9-Mizoram Sorkar hnuaia Recruitment Rules Amendment tam em em mai hi siamthat tumna a awm em ? tih ka zawt e.

....43/-



S P E A K E R : Chhang turin C.M. i lo sawm ang.

PU ZORAMTHANGA : Pu Speaker, hei hi a dik khawp  
CHIEF MINISTER mai a, Sorkar Recruitment Rules  
hi siamthat a tam khawp mai a.  
Amendment tam em em siamthatna

pawh kha Amendment leh tho thin chu a ni a. Engpawh nise  
a tam lo deuh hlek a kalpui kan tum ang a. Amaherawhchu  
vawh leh khat-ah siam that amendment tam han tih tawp deuh  
han hantir deuh duk mai kha a har khawp a, tlemin a sei  
deuhin han chhang nghal law law ila. Department a lo thang  
a, post thar siam a lo ngai a, a then up-grade a lo ngai a,  
Development a lo pung a, mipui kan lo pung a, a lo kal chhoh  
ang zel khan hemi Recruitment Rules te pawh hi tih danglam  
a lo ngai a. Kan kawr ngai reng kan lo fit tawh lova, tlem  
a kan lo thansan leh kan lo tawt thin tawh a awm angin,  
Sorkar Department-ah pawh a lo awm thin avangin, heng Recruit-  
ment Rules te pawh hi siamthat a lo ngai thin a. Amaherawhchu,  
a tam lutuk chin leh a zing lutuk chin erawh chu a awm loh-  
na turin theihtawpin Sorkar chuan hma a la a. Amaherawhchu  
tunah mai chuan Amendment tam em em siam that tumna han tih  
khan a tam lutuk tur danna tur a tihna angah ngai ta ila,  
kha kha chu a tam lutuk tur dan tumna erawh chu a awm a.  
Amaherawhchu pawng dan ngawt hleihtheih chu a ni lova, tun-  
ah mai chuan a han tih tam tlurhna kha chu a awm mai thei  
rih bik lo a ni e.

PU L.N.TLUANGA : Pu Speaker, zawh belh ka duh a,  
Department Recruitment Rule-ah  
hian Departmental Promotion a  
tea reservation percentage hi  
atin aog lorthluah niin ka hria a. Hei hi State Sorkar  
pakhatah chuan Department tinah a thawk lai te tana an  
kaisan theihna tur a, reserved percentage hi in ang tlang  
in a kal theih lawm ni ? tih ka zawh belh duh a ni.

S P E A K E R : Chhang turin Chief Minister i ko  
ang, hei Question dang pakhat kan  
la nei a, zawh pui hram che u ka  
duh a, hei hi atawp nan hman tum  
hram ila.

PU ZORAMTHANGA : Pu Speaker, hna te hi a in ang  
CHIEF MINISTER lo vek mai a, tin, a feeder a te  
kha a in ang lo em mai a, chuvangin  
a in ang vek chuan hei hi a siam  
theih loh a ni.

PU H.RAMMAWI : Pu Speaker, zawhbelhna, nia,  
amendment tam em em mai hi  
amendment tumna a awm em tih  
ang chiah a ni mai a, tawngkam

dah rem dan kha ka thiam lova, ka zawh chhan chu Mizoram Gazette hi en ta ila, Mizoram Gazette-ah hian hmunthum a then a hmun hnih hi Recruitment Rule amendment vek a ni, Mizoram Gazette hi a copy a tel in min pe ve thin a, tah chuan Department thenkhat tute emaw duhsak zawng emaw, dah chhoh an duh khan Recruitment Rule kha rang takin an siam tha a, an duhsak ate an dah chhoh veleh khan an siam rem tha leh ta a, khatiang kha a tam em em mai a ni. Chu tak chu a ni a buaina. Tin, a seniority eng eng emaw-ah khan line a awm ta a, khatiang-ah khan tute emaw pick nan khan R.R. hi Department thenkhat chuan rang takin an siam tha thin a. Chuvang chuan, entir nan, UDC chin a ni emaw, Department ah, Pay rank in ang a awm ta a, Forest R.O. chin an ni emaw, Soil ah R.O. chin an ni emaw, khatiang chin kha chu Uniform deuh hleka, a vai vai chuan Common Recruitment Rule siam chu a har mai thei a, a theih chin chinah chuan clubbed a, khatiang anga tute emaw duhsak zawng an pick-up a, an duh hun huna an tih a, an duh hun hunah an stop leh theih ang a, opening a kan Recruitment Rules awma hi a dik lova, chuvang chuan hei hi, a theih chin chin chu clubbed ve a, concrete deuh hleka kan dah hi a tha awm mang e, tih ngaihtuahnaa he zawhna hi zawt ka ni.

PU ZORAMTHANGA  
CHIEF MINISTER

: Pu Speaker, a dik khawp mai a, kan Recruitment Rules tam tak hi han siam danglam, chumi hnuah engngemaw tia hlih leh tih tih

nen, tunhmain eng engemaw zat fel lo taka lo kal a awm thin a. Chuvangin tun hnuah chuan khatiang kha a awm tawh lohna turin Sorkar lam pawhin theih tawpa tan laka lo en kan tum a. Tin, a bik takin, tunah phei chuan hei, kan Board of Advisors, kan MLA zahawm tak te leh midang, technocrat leh Bureaucrat te nen hengte hi kan insiamin hei, kan function chho tan dawn a. Hengte hian kan Recruitment Rules te pawh min lo chinfel pui a, Sorkara a lo luh famkim hma a, ngun taka min lo enpui chuan hetiang, a dik lova kal thei tur awm te a awm palh a nih pawh ina chungchu an lo chinfel hman tawh pawh kan ring a. Heng hi chu tluang taka a entu ho bawr pawh tam ila. Tichuan unfair means deuh hlek a kal tur a awm pawha lo check theitu tur kan awm kan ring a. Chuvangin hengte hi ngaihtuah chungin leh thildang te a tul anga ti turin heng kan Board of Advisors te pawh hi kan siam chho a ni a. A nghah pawh kan nghakhlel khawp a. Hei hi chu a tlem zawkin mumal taka an kalpui theih tawh kan beisei e.

S P E A K E R

: Awle, kan question Hour a tawp dawn a, mahse, hei kan zinga naupang ber question hi zawt turin Starred Question No. 10-na hi kan

kb: teh ang. Kan pelh leh kan pel hrek ni mai sela. Ani hi a ngaih pawimawh awm riauvin ka hria. (Ngawi rawh, hei

.....45/-

hi kan lak loh phal dawn a, chu chu a tha lo zawk ang. Pu N.K. Chakma hi i lak sak hram ang. Chuti anih loh chuan a hun a tawp tlat. A nih leh aw)

PU NIRUPAM CHAKMA : Pu Speaker, ~~Engu bialtu ka~~ nichinah a zawhna kha general deuhin a sawi a. A duh dan chuan specific incident a awm chuan member te pawh hriattir kha a tha lawm ni? Tin, a harsa a nih chuan Sorkar lam atangin emaw, member te, khawih Department nge, khatia incident awm? Chu chu member te hriattir a ngai a ni. Department pumpui a tan kha a dik tawh lo reng reng.

S P E A K E R : Engpawh nise, chu chu kan Chief Minister khan lo chhinchhiah sela, tin, kan zavai atana hrutruah thei zawnga ngaihtuahin rilru ah lo hria sela, a tha awm e. Tunah chuan, a bik takin in laksak teh ang, kan hun a tawp dawn chiah chu a ni nang a, Starred Question No. 10-na zawt turin Pu N.K.Chakma i sawm ang.

PU N.K.CHAKMA : Pu Speaker, ka zawhna Starred Question No. 10-na ka zawt e.

S P E A K E R : Chhang turin Pu F.Malsawma i sawm ang.

PU F.MALSAWMA MINISTER : Pu Speaker, kan member zahawm tak zawhna kha -

a) Border Area Development Programme hnuaiiah hian Tlabung constituency ah Eng Project te nge thawh a nih? tih a ni awm e, Mizo tawng chuan.

b) Pawisa Tlabung Constituency atan hian vawin thleng hian engzat nge hmanral tawh zat? tih a ni a.

b)-na zawk hi record a awm chu cheng vaibelchhe thum leh maktaduaih ruk leh nuaih nga leh singkua leh sanghnih leh zasarih leh sawmnhia ni.

Amaherawhchu, Project tikhha Pu Speaker, kan sawi vek dawn nge ni? Kam 1994-95 ah khan 14 a awm a, 95-96 chhung hian 26 a awm a. 96-97 chhung khan 22 a awm a, 97-98 chhung khan 19 a awm a, 1999-2000 inkar

atan hian 11 propose a ni a, chung chu a copy pek mai zawk kha, a ni mai. Circuit House sak nan te, Community Fish Pond te Hostel te Bazar atan te, a tam em em mai a. Kum zat kha a vai zawh si a. Copy pek mai kha tha kan ti em ?

S P E A K E R

: Ni e, hei hi chu kan dan pawhin a thui leh sei lutuk ang chi kha chu chhan sen chi a ni lova, a copy pek mai turin kan dan bu ah pawh min hrilh a, tiang chuan a copy hi member te hnenah pek nisela, chuanin a question neitu hian zawh belh duh a nei h chuan vawikhat han zawt sela, midang chuan zawh theih loh kan ti tawh mai ang. Kan hun a tawp tawh avangin.

PU N.K.CHAKMA

: Pu Speaker, it is learnt from the Hon'ble Minister in-charge lakhs of Rupees has been spent but the work is not properly executed so, what is the executing agency ? So that the concerned Department may be instructed that work should be executed properly from next future.

PU F.MALSAWMA  
MINISTER

: Mr Speaker Sir, there are executing Agencies which could be seen in the right. Non'ble Members and most of the project were executed during the first Ministry, the previous Government. And if it is not utilised properly, Hon'ble member would be fully aware that the present Government is not responsible.

S P E A K E R

: Question Hour a tawp ta a, tunah chuan kan Business dangah kan kal leh ang a. Hei Question hi pakhat han sawi belh lawk ka duh chu, Thawhtan a kan Question tur hi chhanna reng reng Assembly in kan la hmu lova, vawin ni ami pawh hi thenkhat chu kan la hmu lo a ni.

Hei hi Minister te khan in Department theuhvah an ngaih pawimawh a tul hle a ni. Chutilo chu helaiah in chhan that loh chuan, mipui kan fiah baw silova. Chuvang chuan Minister te hian in mawhpurhna in hriat a tulin ka hria. Thawhtan ami tur tun a kan tan hma kha chuan chhanna pakhat mah kan la hmu lo a ni. Chu chu hria ula, in theih ang tawkin in Department enkawl theuh te rawn nawr pawh u. Hei hi thil zahthlak tak a ni, tih kha Minister ten in hriat a thain ka hria.

.....47/-

Awle, tunah chuanin Private Resolution ah kan kal dawn ang a. Hei Private Resolution hi pali (4) kan nei a. A hmasa ber Pu K.T. Rokhaw Resolution "Inner Line Pass hian kan ram leilung fate a humhalh zo lova, Chuvangin Sale Tax lak ni rih lo rawhse" tih hi kan ngaihtuah hmasak ber tur a ni a. Chutiang chuanin he Resolution neitu hi kan ko hmasa ber ang a. Minute : 10 Resolution neitu anih avangin kan pe ang a. Kan ko phawt ang a, Member dangze erawh chu minute 5 zel kan pe dawn a ni.

Hun hian min daih loh avangin duh tawk tawk sawi ringawt hi a theih bik lova, a point pawimawh zuala in lawr ang a. Tiang chuan in ngaichang tlang takin kan hun tiam hi chu tupawhin in pawisak a tha in ka hria, Awle, Resolution neitu Pu Rokhaw i koh ang.

PU ZAKHU HLYCHHO

: Pu Speaker, a mover resolution neitu i koh hmain thil pakhat min hrilhfiash turin ka duh a. Hei vawiin hi Private Member

Resolution sawi ni a ni a, ka resolution nimin a Obituary a tlem i sawilan tawh kha min hrilhfiash ka duh a ni. A chhan chu resolution kha hei a copy pawh ka la nei a, India rama Pakistan rawn lutru te kan duh lohna he House-ah tarlan ka duh avanga kha resolution kha rawn pulut ka ni a, chu chu House pawh a thlen hmain reject a ni a. Hei Pu Speaker, i rawn reject-na lehkha ka lo dawn ah chuan i resolution tahrik 5.7.99 ami kha Assembly Bulletin Part-II 36 of 7.7.1999 a pawisa donate tura circulate tawh anih avangin kha kha reject a ni e, tiin a rawn sawi mai si a. Mahse, khami ka resolution kha a pawisa khawna chauh nilovin tuna India ram hetia Pakistan in a rawn tihbuai takah hian Sor- kar leh Sipai te hma lakna hi kan thlawp a ni tih kha a hmasa ah khan ka resolution a ni. Chuvangin kan dan 125-na han en hian Speaker in House rorellai ti bahlah thei emaw Dan kalh emaw nia a hriat chuan resolution kha a reject thei ang tih a ni a. Khami ka thil rawn putluh khanin kan rorel laia tih bahlahna a awm ta nge ni ? Tin, chuti anih loh chuan Dan ka kalh ta nge ni tih kha Pu Speaker, min hrilh- fiash ka duh hmasa a. Tin, chu lovah chuan tunhma a tihdan phung pangngaiash chuan Private Members Resolution hi Speaker ten Sorkar kalphung nen a inkalh deuh nia an hriat chuan a member a a neitute kovin anmahnite nen sawi hovin an understanding draw-in chutiang chuan hei hi chu tihian a tha lawm ni lo ti rih lo mai la tiin an ti thin a.

Tun tumah hian i Office-ah min ko ta la, tha takin min sawipui ta la chuan he thilah hian hei Sorkarin hma a la mek a. Chuvangin i in withdraw thei mai lawm ni min ti ta la chuan ngaihdan pawh ka nei thei tur a ni a. Tin, i Office-a min ko duh lo anih pawhin phone tal pawn min hrilh ta la chuan ka la ngaithiam a. Amaherawh chu chutiang in hrilhfiashna pakhat mah awm lova, min hnawl sak hi enge ni a chhan tih kha min hrilhfiash ka phut bawk a ni. Chuvangin Opposition Resolution a nih vang nge ni ?

Tin, ka resolution hi member tam zawk in a tha lova in hria a nih chuan he House-ah hian an reject turah ka ngai a. House pawh thleng zo lova Speaker in i reject hi ka hre chiang duh a ni.

S P E A K E R : Awle, hei hi hrilhfiah a thain ka hria a. Kan Dan 125 hian Speakerin Dan "Kalh nia a hriat chuan" a reject thei a ni. Theih ang tawh tawh thawh turin, Bulletin chhuahin ngenna ka lo siam tawh a. A chipchiar hi ziah vek a tulna a awm lo. Kan reject-na ground hi resolution neitu hrilh ngei ngei tur tih kan danah hian ziah han pakhat pawh a awm lo a ni. Kan duh chuan kan hrilh thei a, kan duh loh chuan kan hrilh lo thei a ni. Mahse kan duh a, kan hrilh a ni. Chutih lai chuan mi, a thla khat hlawh pe tura he rorelna hian rel theihna dan hi kan neinin ka hre lova. He resolution hi dan kalh ni a Speaker-in a hriat chuan a hnawl thei a ni a tih ang hian ka hnawl a ni. (Member an lo tawng a) Ni love, mi hlawh chungah hian ro kan rel thei lo a ni. Dan siam tur kan ni a, mi hlawh chungah roreltu tur kan ni lo. Tunah chuan Pu Rokhaw resolution ah hian kan kal tawh ang.

PU R. LALZIRLIANA : Pu Speaker, member dangte resolution i hnawl nachhan i hrilh a, ka resolution pawh kha min reject a, chu chu min hrilh bawh si lova, hleih nei tak hian hna hi i thawk em ni tih ka ngaihtuah a. Ka resolution reject a nihna chhan thenkhat i sawina ah mi tawngkam ka hriatin hmanlai thil sawi theih loh a ni tiin i sawi niawmin a lang a. Ka question hmanlai thil kan zawh dawn loh chuan thil lo la awm tur chu sawi lawk a har viau mai thei a. Tin, a thu hrimah kha kha he House ina a hriat a pawina reng reng ka hre lova. Nang Khawhai biala i din lai 1984 te vawiina kan Chief Minister zahawm tak tun Ministry hmaa a TA/DA Bill zawng zawng te leh Dr. R. Lalthangliana TA Bill te a ni a. Khatiang kha dan ang thlapa in Bill a nih a, enge he House hi hrilh hrehawm a awmna. Kha kha min hrilhfiah turin ka duh che a ni. Khami ah khan mimal intih mualpho tumna a awm lo.

S P E A K E R : Hei hi, convention a awm a, chiang taka in ngaihthlak ka duh a, Member te chu hre tura ngaih in ni a. Convention ah chuan he Assembly thil reng reng hi chhangtu tur an awm ve loh avangin member te hian floor ah an zawt thiang lo a ni. Chu chu ka hrilhfiah phawt ang che u. Minister te TA/DA thu hi, tunah Minister anni emaw nilo emaw, tin, kum thum hnulam ami phei hi chu convention ah hian zawh thiango a ni.

tin, Assembly chung reng reng hi chhangtu tur an awm ve lo, chuangin in hre duh a nih chuan Speaker Dawhkan-ah in zawt tur a ni. Chu chu convention a ni a, he House hian Convention hi a bawhche tur a ni lo. Keimah min zawt tur a ni. Chu chu convention a phai lova, khatih lai kha TA ka lo hmu anih pawhin kei chuan ka hlauh hi cheng khat pawh ka ei lova, naia khat pawh ka ei lova, miretheite hnenah ka pe a, a dawngtute pawh khi han zawt ula, in hria ang. Chuvangin thu tawh rawh, hei hi chu convention piah lama a ni, tunah kan resolution ah kal tawh ila, in duh chuanin ka Office-ah rawn zawt rawh u, dan bawhchhiat tur a ni lo. Chuvang chuanin Assembly thil hi chu zawh tur a ni lo, tih hi in hriat tawh a ngai. Member zahawm takte in ni a, dan leh convention chu in ngaihtuah tur a ni. Hetiang hre hauh lova duh duh sawina hmun tur a ni lo. Thu tawh rawh u. Tunah chuan he Resolution move turin Pu K.T.Rokhaw a'n kan ko tawh ang.

PU R.LALZIRLIANA : Pu Speaker term hmasa kha chuan hetiang hian Speaker an bei ngai lova. (A buai nuaih nuaih)

S P E A K E R : Move turin Pu Rokhaw i ko ang, i move dawn loh chuan House ka adjourned ang. Pu K.T.Rokhaw kha move turin i ko ang, i move dawn loh chuan House ka adjourned mai ang. Thu tawh rawh u, Dan angin ka kaihruai ang che u, i move duh lo a nih chuan ka adjourned dawn. Vawithum ka sawi tawh. House adjourned Thawhtan dar 10:30 (Sawm leh a chanve) ah kan tan lek ang.

Meeting adjourned at 11:50 A.M.